



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Chorea.

urn:nbn:de:hbz:466:1-30427

vel veteres augere, Episcopis, & praelatis circa Papam, prohibetur: ut in cap. prohibemus. de cens. etiam si eriperent eas de manu laici, ut in ca. ecclesijs. eod. titu. Et hoc verum est secundum Pan. in d. c. prohibemus, quando ad utilitatem propriam hoc facerent, ut in clemen. 2. de reb. eccle. non alie. Secus si ad utilitatem alterius ecclesie, ex rationali causa faciant, & fiat a praelato Episcopale iurisdictionem habente, & in ecclesia sibi pleno iure subiecta. Tunc enim potest, ut no. Inno. in d. c. prohibemus, cum consensu capituli, argu. in c. tua. de his que sunt a prael. Episcopus novum censum imponere monasterio non potest. c. cientes. de cens. nec antiquum augere, eadem ratione.

3 AVCTUS facultatibus, non potest augeri census, nec pars reddituum retineri, ut in c. nostrum in fin. ut eccle. bene dicitur de Episcopis, & de Abbatibus, & alijs inferioribus praelatis. Et est text. in cle. quia regulares. §. 1. de supplen. negli. praelat. nisi locus sit de mensa eorum, non possunt partem reddituum sibi retinere, quam gl. id ver. nec veteres. in d. ca. prohibemus. velit posse augeri censum, auctis facultatibus, quod glo. sequens limitat, respectu presentationis, aut procurationis, non autem census. Secus autem est in pensionibus, quia illam quis solvit ratione fructuum, quos de alieno percipit, secundum Bartolū, in l. si merces. §. vis maior. ff. loca.

4 PRAELATUS, seu rector ecclesie, non potest praesertim post mortem, ecclesiam suam constituit censualem. cap. praeterea. eod. tit. quia secundum Pan. non potest quis alienare res ecclesie si ne iuris solennitate. 1. 2. q. 2. ca. sine exceptione. & a fortiori non potest imponere censum, cum sit quaedam alienatio, & quaedam servitus imposita. Potest tamen auctoritate superioris. & c. ex causa rationabili, ut dictum est. Imo simplex sacerdos, etiam in vita sua, ecclesiam suam censualem constituit, non potest, secundum Pan. licet alij dicant quod potest se personaliter, &

non ecclesiam, obligare ad soluendum censum.

5 CENSUS solvendi sunt, secundum Pan. post lo. And. in c. olim. de cens. ad antiquam monetam, in qua fuerunt instituti, similiter & pensiones, vel ad eius aestimationem, quod Pa. extendit ad omne debitum contractum, ex quacunque causa, quod debeat solui secundum monetam currentem, tempore debiti contracti. Vide infra, Pecunia. §. 2.

CHOREA.

1 CHOREAS ducere ex suo genere peccatum non est, aliter nunquam liceret, & tamen aliquando licet, ut in nuptijs, & publicis laticijs, secundum Caie. ibi, qui dicit, quod imprudenter arcentur rustici assueti diebus festis choreas ducere, quia nisi haec agerent, ocio vacarent, & peius agerent. Unde ex frequentia chorizandi, vel ex die festo, non est mortale, nec ex genere actus periculum est, quia hic non est actus libidinis, sed laticiae: ideo si ex qualitate personae imminet periculum libidinis, unusquisque sibi provideat, & caveat periculum, sicut caueret, quando immineret periculum ex aspectu mulieris: licet hoc ex se peccatum non sit.

2 ACTVS qui ibi ex levitate sunt, ut stringere manū, & huiusmodi, sunt venialia peccata, nisi fiant intentione nialia, ut prouocandi se, vel alios ad libidinem extra matrimonium, secundum Veruer. vel si fiant contra prohibitio. nem, vel in ecclesia, seu loco sacro, magis videtur mortale, quam veniale, propter contemptum praeccepti, vel irreuerentiam Dei. Similiter si fierent a clericis, vel religiosi cum monialibus propter scandalum: secus si fiant ab huiusmodi sine scandalo inter se, & secretē.

3 CHOREAE ad hoc quod sint licitae, secundum Alber. 4. sent. d. 16. debent fieri tempore debito. Secundum cum honestis personis. Tertiū, honesto modo. Quarto, non simul clerici, vel religiosi cum secularibus mulieribus. Quinto quod sonus, & cantus fiat

sint de honestis.

4 QV i se, vel alios exponunt probabiliter peccato mortali in choreis, non excusantur à mortali, quia videntur magis de huiusmodi delectatione curare, quam de animæ suæ salute, quam pro huiusmodi delectatione periculo damnationis exponunt. Et quoniam ut plurimum in his choreis accidunt peccata multa, ideo etsi choreæ non sint penitus damnandæ, sunt tamen homines bonis persuasionibus ab huiusmodi retrahendi. Nec laudo dicentem, quod imprudenter rustici arcentur taliter, ac si omnino chorizantes peccarent mortaliter. Hoc enim malum esset. Sed si moneantur ut caveant à tali consuetudine, tanquam à re periculosa, non video imprudenter aliquid factum, imò bonum esset si hæc choreæ modernorum temporū possent annihilari.

COEMITERIVM.

1 COEMITERIVM habet eandem immunitatem, quam habet ecclesia, quò ad omnia capitula, exceptis duobus, videlicet quia nullus mortuus debet in ecclesia sepeliri. cap. nullus. 13. q. 2. licet nō seruetur. Secundò quia in choro laici esse non debent, secundum Ray. & Hostiæ, licet de consuetudine non seruetur. Violatur, & reconciliatur ab eodem, & eodem modo, sicut ecclesia, secundum Host. & Ber.

2 COEMITERIVM censetur pollutum, quando ecclesia sibi coniuncta, id est, contigua est polluta effusione seminis, vel sanguinis iniuriose facta, & non parua: ut infra, Consecratio. §. 4. & antequam sit reconciliatum, nemo debet ibi sepeliri: secus quādo coemiterium esset remotum ca. vnic. de consecr. eccles. & alia l. 6.

3 POLLVTO coemiterio, non est polluta ecclesia, ne minus dignum videatur ad se trahere magis dignum, de consecr. eccles. l. 9. c. si ecclesia.

4 QVANDO murus mediat inter duo coemiteria contigua, & porta est in muro, per quam est accessus ad utrunque, non est vnum, sed duo coemi-

teria, & vno polluto alterum non polluitur: ut in eodem cap. vnic. Quòd si pollutio fiat in medio hostij, secundum Ioan. And. illud erit pollutum, cuius causa paries, & hostium facta sunt. Quòd si nescitur, sed videtur, quod sint facta, ut faciant duo coemiteria, utrunque erit pollutum, prout ibi textus inquit.

5 SI pollutio fiat in porta ecclesiæ extra lineam, ad quam percutiunt valvæ in liminibus, ecclesia non est polluta, secus si intra: secundum Ge. Io. And. & Imo. Quomodo autem reconcilietur. infra consecratio. §. 4. & de consecr. d. 1. c. ecclesiam. de sepul. c. sacris. Coemiterium locus est in quo defunctorum corpora requiescunt, quòd ante ecclesiam esse solet.

CIRCUNSTANTIA.

1 CIRCUNSTANTIA peccati, est actus humani mali accedens quoddam, quæ in hoc versu communiter continetur. Quis, quid, ubi, per quos, quotiens, cur, quomodo, quando. ex S. Tho. prima secundæ. q. 7. a. 1. & 2. Ray. addit quotiens, quæ propriè non pertinet ad circumstantiam, sed ad substantiam actus.

2 CIRCUNSTANTIAE aliæ sunt alleviantes, ut furari pro eleemosyna faciendâ, aliæ aggravantes, quæ vel aggravant in infinitum, vel non. Alleviantes nullo modo quis tenetur confiteri. Aggravantes non infinitè, de necessitate non sunt confitendæ, sed de bene esse. secundum Thom. 4. sent. d. 16. q. 3. quia peccata venialia de necessitate non sunt confitenda, nisi vel propter instructionem, vel propter periculum, vel scandalum, vel huiusmodi. Quæ autem in infinitum aggravant, necessariò sunt confitendæ, tanquam mortalia peccata: secundum Th. ubi supra.

3 CIRCUNSTANTIA repugnans rationi, primò, & per se. & non ratione alterius, mutat speciem, non autem si ratione alterius adveniat, ut si ad hunc actum, qui est accipere rem adveniat alienam, mutat speciem, nō autem accipere alienum in parva, vel magna